



QVÆSTIO MEDICA

Cardinalitiis disputationibus manè discutienda in
Scholis Medicorum die Jovis 23. Martij.

M. FRANCISCO GOUEL, Doctore Medico, Præside.

Minusne salubris morborum?

I.

PR O P T E R quem inclusum Calorem vivimus, is tam assiduo micat, & agitur ex sese, ut vitæ nusquam esse posset nisi brevis admodum administer; ni usâ callido prorsus artificio Natura parens, illum in pingui quodam ac tenaci humore, sic tanquam in visco, inhærescere jussisset. Quamvis autem sic irriteris detineatur, suæ tamen semper retinens indolis perquam ætiosæ, si minus inde erumpit apertâ vi, & impetu subito, at certè assiduissimè carpendo aliquid illius, in quo residet, succi, atque depascendo, clam & sensim elabitur, dilapsusque nunquam non aliquâ sui ex parte vanescit. Hinc jugis illius, quod in horas capimus, detrimenti sancita fato perennitas; hinc quotidianus corporis nostri defectus; cui, ut naturali quidem, at simul gravissimò, verius aliquam prolixa Mortis, atque productæ speciem præ se ferenti morbo, aliquo modo tantum, & non aliter mederi licet; quàm si labantes & caducæ continenti decessione vires, renovatâ identidem supparis cibi, potusque respondentis accessione sustententur. Humani porro victus legem & formam sic instituere, ut omnes habeat salubritatis numeros operæ-pretium est: alimenterum enim præscribere ordinem, delectum habere, justum præstare modum, laudatâ frugalitate, ut Mentis custode fidelissimâ, & optimâ secundæ valetudinis, adeoque vitæ melioris procuratrice, minime Medico satis est; nisi captatâ insuper alendi corporis opportunitate, & eligendo præbendi cibi tempore cumulatè muneri suo satisfecerit. Duorum igitur, quæ tanquam Naturæ judicia dies multa confirmavit, effatorum bene memor ille sit; nimirum cibi ac porionis tantum esse adhibendum, ut vires resciantur, non opprimantur; tum laboris, cibi, & somni, tam singulorum per se seorsim, quam universorum inter se comparatorum longe optimam, ac vere auream esse mediocritatem; adeoque videat imprimis ne vel alendo rariùs, si ad raritatem edendi paucitatem adjungat, defraudet genium; vel, si rarioris victus ipsâ multitudine compensandi fuerit author, obtruere multò magis, quàm fulcire vires videatur. Tandemque caveat, ne quotidie semel tantum pasto corpore cibum aut à labore, aut à somno, aut ab utroque longiori intervallo distrahat; tresque res istas, quæ à naturâ prorsus aptæ inter se, & congruentes esse debent, magnâ ordinis, majore valetudinis perturbatione, malè inter se conciliet.

I I.

O P P O R T U N U M cibi sumendi tempus est; quando plane confectus prior, & meliore jam portione sui digestus abit, aut absumptus est in exhaustarum partium instaurationem. Tum quippe reliquis ejus aut in alvum

de pulsīs, aut inde prorsus ejeētis, vacuus & liber ita stomachus nitet; ut haud i njuncundo, nec acriori vellicantis famis aculeo punctus, & admonitus tum suā, tum reliqui corporis indigentia, certo & explorato referat advenisse necessariam novi pastus tempestivitatē; hanc vero non modo non rejicere sed obviā potius offerendi quām mox alimenti benignitate exceptam demorari conveniat. Secus si faxis, graves à te illa brevi postea repulsæ pœnas repositet; & sexcentis malè mulētabit modis, ac incommodis afficiet. Quid enim mali non potest asferre tolerata diutius fames? Scilicet illa paucis post horis impotenter adeo forte dominabitur; & ad ravidam tam prope orem accedet; ut crudos, & nondum confectos in ore cibos ventrem coactura sit vel invito mandenti eripere, quò se latrantem opsonet, & inferciat, ipsā multo magis prægravandus satietate, quā exemptā fame fruiturus. Vel concitato tumultu, commotisq; ac confluentibus in nutritionis penum vitiosis, si qui aliquo recessu abditi silent, humoribus ita cumulabitur ventriculus, atque sordescet; ut eā ipsā de causā languidius appetens, minusque arte complectens alimenta, coquendis illis eò infeliciorem, quò districtiorem operam daturus sit. Hæc & alia plura haud paulo graviora facile mala declinaverit, qui Naturam audierit, dum sui juris est, recta semper admonentem; lubensque indulserit ei pro diverso cujusque tum temperationis modo, tum vivendi instituto ac genere, cibum toties impertitus; quoties non mendaci esuritionis significatione datā reficere se ab opere, & inediā uniuscujusque Natura necesse habuerit. At non semel illa, cujusmodicunque fuerit, in die cibum efflagitat in locum succi, tum ab efficaci calore, tum ab operoso diurni muneris labore consumpti reponendum. Uque adeò, ut tota videatur à Natura fuisse ducta solemnīs illa consuetudo; quæ alternas tum laboris per se solius primū, tum deinde laboris, & somni, quas dividit vices, dati certo ex horarum in die intervallo nutrimenti saluberrimā interpositione componit.

III.

MONOSITHIN, cui non una subjecta notio est, hic ut fere semper unicā, quam suppeditat cibis in die, refectiōne continetur; sive prandij dicta nomine medium prope partiatur diem; sive cœna vulgo nuncupata terminet extremum, festumque diurnis ministeriis Corpus rectet, & ad somnum ac quietem noctis à labore traducat. Nonnullis equidem in morbis magno illa quindoque usui esse potest. Sanis vero studiosissimis tuendæ valetudinis suæ tam malè convenit, quā nemi in unquam contigit intempestivo nimis, aut restricto victu pascere; se maligniū aut incommodiū & aptam ad firmam integramque valetudinem, ac obeunda feliciter vitæ munia temperationem diu retinere. Major enim cibi parsimonia, aut ejusdem suo minus tempore subministrati aliena sanitati raritas, incredibile dictū est, quantopere Naturæ fundum depopuletur; quotque ac quantos accisis ejus opibus morbos cumulet morbis, qui præproperam accersunt senectutem, mortemque maturant. Ubi quippe nutritiæ partes vel inopiā sensim enectæ exaruerunt vel succubuerunt oppressæ, reliquum corpus in tabem ire celerius ex antiquissima olim observatione litteris proditum est. Neque vero unum dumtaxat corpus malè habet *monosithin*; tentat & lacessit Animum quoque, ac fœda ipsum inficit labe asperitatis morum parum se accommodantium humanitati. *Morosus* quippe morosi, difficiles, amari, queruli semper, irasci faciles ac pene omnia stomachari; cunctis denique refertissimi

vitiis, flavæ, atræ, ac splendide bilis; cuius adeoque calor in *μωροσίνη* vis acrior
 haud aliâ de causâ sic incredibilem efferatur in modum; quàm quòd nusquam
 crebra satis experti cibi suavitate delinita mitescat. Adeo verum est in pauciore
 victu atque rariore multò gravius, quàm in pleniore paulo atque frequentiore
 peccari. Tantiq̃ue refert *μωροσίνη* recte dispensatam anteferre *πολυφαγίην*.

IV.

BENE administrata *πολυφαγίην* dum apte dividit cibi sumendi tempus, illud
 quoque certius, quàm ipsa *μωροσίνη*, prudentisq̃ue definit. Semel etenim
 tantum edentes in die satis expedire non possunt, prandione cœnam, an cœ-
 næ prandium præoptare habeant. Si prandium arridet magis. Dicant quæso;
 inchoatum opus largiore prandio sic intermittentes paulò post repetendum
 quam demum impune ferre valeant rem omnium insaluberrimam; distracto
 tam diverse tum temporis Calore nativo, ut mille morborum parens cruditas fe-
 re sit ineluctabilis, spiritibus evocari foras; & ad vigiliam, opusq̃ue diversari
 tunc maxime coactis, cum revocatos intro esse, ac in operosa diarii conco-
 ctione versari totos tantopere necesse est. Explicent porro; quomodo sic pran-
 sos, incœnatos autem ac vespertina refectiōe vacuos, longus, qualem Natura
 desiderat, altus, arctiorque somnus eos complexurus sit: profecto quantacū-
 que sit hominum à labore ad somnum proclivitas; si laborem aut defecerit ci-
 bus, aut ab hora quietis fuerit disjunctior; ipsos vigiliæ simul, ac somno pror-
 fus impares, & agilitas expedita vigilantium, & dormientium optata tranquil-
 litas deficiet. Quod si nutriendi corporis horam protrahere libeat; diurnisque
 muneribus liberatū malint ad edendum accedere, nobis edisserant; quī sic jeju-
 nis solidi diei labor innocens esse queat; aut qualis tandem valetudo constare
 possit iis; qui laborem impransī, diemq̃ue voraciore cœnâ ita claudere incolu-
 mes se posse confidunt. Quanto rectius, & convenientius Naturæ *πολυφαγίην*, quæ
 labore matutino vires exercitas, tum ne fatiscant illæ, tum ut pomeridiano suf-
 ficiant operi paulo post retexendo, tam attemperate fulcit prandio frugi; ut li-
 beraliori cœnæ, somnoque inde facilius illapsuro opportunius adhuc instauran-
 das, reficiendasq̃ue plenius reservet. Neque vero est, quòd adeo caute iterati
 efus dividendi tempora, tanquam alicui mensarum omnium asseclæ, quisquam
 illud, ut absoluta in ventriculo coctionis, ita repetendæ mensæ, infinitum ac
 interminatum tempus objiciat. Finitum enim ac terminatum satis utrumque est;
 cum iustus cibi modus exigitur ad iustum, quod datur spatium stomacho, ad
 conficiendum pensū quodcūque sui est. Ita vero se res habet, si prandium tanto
 fere altero cœnâ parcius septem ab ea insequente, vel octo, cœna autem duplo
 circiter prandio lauior sexdecim à crastino vel septemdecim horarum interval-
 lo distet. At porro quis adjutor Naturæ paulò consultior grave coctionis alimen-
 torum onus partiendo sic allevatum facile non existimet fore ut multò commo-
 dius, leviusq̃ue, quàm totum semel, & confertim impositum ventriculus ferat?
 Atque adeo sic ingeminati in die cibi prudens indulgentia vincit inanem illam
 severæ frugalitatis speciem quam præ se fert Animi forte, non multò minus
 quam corporis sanitati & viribus inimica *μωροσίνη*.

V.

MONOSITIHN ut minus salubrem, eoque nomine multo inferiorem *πο-
 λυφαγίην* concedere si non evinceret ratio; at certe usus satis superque re-
 vinceret. A carceribus ad calcem quippè vitam hominum si percurrimus, præ-
 tem prorsus inveniēmus nullam *μωροσίνη* sine damno patientem. Infantes, (si

possunt illi exemplo esse) dies, noctesque⁴, ab uberibus pendulos, & in lacte
 fuggendo assiduos videre est. Pueris si lacte subducto frequentiore subduxeris
 cibum; & iniquam *μωροσύνην* imposueris legem; gravius profecto, & nusquam fe-
 rendum onus imposueris. Adolescentibus vero, adultæ, & constantis ætatis
 Hominibus, quorum ad ignem velut ad luculentiorē caminum largius, atque
 crebrius apponi pabulum par est, an semel tantum in die capere cibum pruden-
 ter edices? Senes autem, quos, ut dilabentem in cineres faciem, micans ardor
 vitæ jam, & flamma deserit, velut ad vitæ carceres revocatos, puerorum more
 tractandos, eorumque Naturam, quo propius abest ab imminente fato, ut pau-
 cioribus quidem, ac facilioribus coctu, ita etiam paulò crebrioribus alimentis
 esse sustinendam quis neget? Fossiores denique, rulticos, messores, fabros, &
 id genus alios homines, qui sua sine corporis viribus opera sufferre nequeunt,
 & quibus opera ipsa vita est, lente maceratos enecas; si duriorē vinculo *μωρο-
 σύνης* astringis. Quinetiam quibuscunque corpore minus, quàm animo industriis,
 Ingenij munus, non laterum, lacertorumque tuendum, ac exequendum est, ut
 equidem per aliquod tempus ad curandam Mentis, & sensuum aciem non inep-
 ta fortassis omnino *μωροσύνη* fuerit; at certe ratione habita totius vitæ curiculi,
 quod exiguum, & breve per se circumscriptum *μωροσύνη* contrahit adhuc tristius;
 dñm laudem acuminis in Mente & sensu efflorescentem ocyus extinguit;
 profecto nimio plus id omne fuerit, quod ad eximiam adeo deterendam dotem,
 quàm quòd ad obtinendam momenti habere vulgo existimatur. Accedat his,
 quòd illi ipsi, qui vitæ austerioris disciplinam amplexati sunt Homines profes-
 sione, & instituto Religiosi, vel hoc etiam indicto pœnitentiæ sanctioris, & je-
 junij tempore *μωροσύνην* abdicandam, & ut à Naturâ nimis abhorrentem, rejicien-
 dam prorsus esse censuerunt. Adeo nulla ætas, nullum vitæ genus, ac institut-
 um, nulla omnino cuiusquam Natura, cui non valde noceat insalubritatis dam-
 nata *μωροσύνη*. Uno verbo quantum, aut quantulumcunque istud est alimenti,
 quod in annonam diurnam sit satis, uno simul, & semel tempore ingerere onera-
 turum multo minus salubre fuerit, quam suis dividuum temporibus, & sic le-
 vamento futurum capessere.

Ergo minus salubris μωροσύνη.

Proponebat Parisiis PHILIPPUS TOURBIER, Peronæus,
 A. R. S. H. 1679.

P A R I S I I S,
 Apud Franciscum Muguet, Regis & Illustrissimi Archiepiscopi
 Parisiensis Typographum.